

**Կազմակերպություն՝
դպրոց>> ՊՈԱԿ**

<<Երևանի Լեոյի անվան համար 65 ավագ

«ԵՐԵՎԱՆԻ ԼԵՈՍՅԻ ԱՆՎԱՆ 2.65 ԱՎԱԳ ԴՊՐՈՑ» ՊՈԱԿ

**ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏԱՄՆ
ԴԱՍԸՆԹԱՑԻ ՀԵՏԱԶՈՏԱԿԱՆ ԱՇԽԱՏԱՆՔ**

Առարկա Պատմություն

Մասնակից Ջիրոյան Գայանե

Ղեկավար Սաֆարյան Արմինե

Թեմա Պատմության ուսուցչի առարկայական և մասնագիտական գիտելիքների ու
հմտությունների կատարելագործումը հետազոտական աշխատանքների ընթացքում

Երևան 2023թ.

Բովանդակություն

1. Ներածություն.....	2
2. Հետազոտական մեթոդները և դրանց իրականացման փուլերը	3
3. Ուսուցչի կողմից սեփական մասնագիտական գործունեության հետազոտությունը որպես ինքնազարգացման խթան	7
4. Համագործակցային հետազոտություն	11
5. Եզրակացություն	15
6. Օգտագործված գրականության ցանկ	16

Ներածություն

Իսկ ի՞նչ է հետազոտությունը: Պարզ սահմանումներում «հետազոտությունը» ներկայացվում է որպես համակարգված գործողությունների ամբողջություն, շարք, հաջորդականություն, որի նպատակն է փաստերի բացահայտումն ու մեկնաբանությունը, վարկածների հաստատումը/հերքումը, տեսական և գործնական հայացքների վերանայումը: Հետազոտություն կատարելիս պատմության ուսուցչի աշխատանքն է լինում որոնել, գտնել, մշակել ու իր սովորողներին առաջարկել այնպիսի ուսումնական գործունեություն, որն առավել արդյունավետ կաշխատի պատմության դասաժամին: Այլ խոսքերով, մանկավարժական մասնագիտական գործունեության հետազոտությունը ինքնավերլուծության, կշռադատման և տեղեկությունների հավաքագրման և արժևորման գործընթաց է:

Աշխատանքը վերաբերում է ուսուցչի կողմից իր հետազոտական գործառույթի իրականացմանը և սեփական մասնագիտական գործունեության հետազոտմանը: Որպես տեխնոլոգիա ներկայացված է հետազոտության այս ձևին բնորոշ քայլերի հաջորդականությունը և փուլային իրականացումը՝ Աշխատանքում հիմնավորվում են նման հետազոտություններ իրականացնելու անհրաժեշտությունն ու հնարավորությունները գործող ուսուցիչների կողմից՝ հաշվի առնելով այն հանգամանքը, որ ուսուցիչն իր մասնագիտական պարտականությունները կատարելիս մշտապես գտնվում է կենդանի, զարգացող բնական գործընթացում և ստեղծագործական միջավայրում՝ Ուսուցչի կողմից իրականացված յուրաքանչյուր հետազոտական աշխատանք կհարստացնի ոչ միայն կրթության, այլև մանկավարժության զինանոցը: Սեփական մասնագիտական գործունեությունը հետազոտելու և գնահատելու տեխնոլոգիայի կիրառումն արժևորվում է այն շեշտադրումներով, որ դրա միջոցով ապահովվում է ուսուցչի մասնագիտական աճը, ինքնագնահատումն ու ինքնավերլուծությունը, իրականացվում է լավագույն փորձի փոխանակման գործընթաց, ստեղծվում է ուսուցման գործնական տվյալների հսկայաձևավալ բազա՝

Հետազոտական մեթոդները և դրանց իրականացման փուլերը

Հետազոտական գործունեությունը ժամանակակից ուսուցչի մանկավարժական գործունեության անբաժանելի մասն է՝ ապահովելով նրա բոլոր մյուս տեսակների կազմակերպումը՝ Հետազոտական աշխատանքը, որպես մանկավարժական գործունեության կառուցվածքի բաղադրիչ, ազդում է ուսուցչի մասնագիտական իրավասության զարգացման, ուսուցչի անհատականության ձևավորման և զարգացման վրա՝ որպես ակտիվ սուբյեկտի: Այն ուսուցչից պահանջում է գիտական մոտեցում ցուցաբերել մասնագիտական առարկայի նկատմամբ, քանի որ հետազոտական բնույթի ցանկացած աշխատանք կատարելիս ուսուցիչն այս կամ այն չափով առնչվում է գիտությանը:

Մանկավարժական գործունեությունն ունի հստակ նպատակներ, շարժառիթներ, դրդապատճառներ, գործողություններ, գործառույթներ, գործունեություն իրականացնելու պայմաններ, եղանակներ, միջոցներ, օբյեկտիվ և սուբյեկտիվ ազդեցության գործոններ: Որակյալ կրթության ապահովումը հասարակության առաջնահերթ պահանջներից է: Այսօր ժամանակակից դպրոցին հասարակությունը առաջադրում է նոր պահանջներ, որոնց իրագործման համար անհրաժեշտ են որոշակի պայմաններ: Ուսուցչի աշխատանքը ստեղծագործական է և այդ պատճառով չունի հստակ ամրագրված նորմատիվներ, քանի որ հաճախ պայմանավորված է լինում՝ իրադրությունից բխող գործողություններով, նոր հակազդեցությունների առաջացման հնարավորություններով, ստեղծագործական մտահղացումներով, երեխայի հոգեֆիզիկական մեխանիզմներին առաջադրվող պահանջներով, գործողությունների բարդությամբ և բազմազանությամբ: Մանկավարժական գործունեությունը կարելի է դիտարկել որպես մանկավարժորեն նպատակահարմար գործողությունների հաջորդականություն:

Ցանկացած հետազոտություն՝ մտահղացումից մինչև աշխատանքի վերջնական ձևավորումը, իրականացվում է միանգամայն յուրահատուկ մոտեցմամբ: Այն հետազոտական գործունեությունը, որն իրականացնում է ուսուցիչը իր մասնագիտական որակները զարգացնելու նպատակով, ինքնուրույն

մշակված ռազմավարություն է: Հետազոտական աշխատանքի կատարման հաջողությունը մեծապես կախված է հետազոտության արդյունավետ մեթոդների ընտրությունից: Հետազոտության մեթոդների միջոցով են հասնում առաջադրված նպատակների իրականացմանը: Մեթոդներն այն անհրաժեշտ գործիքներն են, որոնք ծառայում են փաստական նյութի ձեռքբերմանը:¹ Հետազոտական աշխատանք իրականացնելիս նպատակահարմար է կիրառել վերլուծություն (հետազոտության մեթոդ, որի գործադրմամբ թեման տարրաբաժանվում է բաղկացուցիչ մասերի) և համադրություն (վերլուծությամբ առանձնացված մասերի միացում) մեթոդները, իսկ զարգացող բարդ օբյեկտների հետազոտությունների համար կիրառվում է պատմական մեթոդը: Այն կիրառվում է միայն այն դեպքում, երբ այս կամ այն կերպ հետազոտության առարկա է դառնում օբյեկտի պատմությունը: Մանկավարժական հետազոտության մեթոդներից են նաև էմպիրիկ մեթոդները՝ մանկավարժության գիտամեթոդական գրականության, արխիվային նյութի ուսումնասիրման մեթոդը, պատմահամեմատական մեթոդները (ծագումնաբանական, պատմահամեմատական, պատմական):

Հետազոտությունների որոշ տեսակներ կարելի է խմբավորել ըստ որոշակի հատկանիշների. ավանդական հետազոտություն, որը վաղուց ի վեր կիրառվող, մշակված և կիրառման պատմական ճանապարհ անցած ձև է, և ոչ ավանդական՝ նորովի մոտեցում. յուրաքանչյուր մասնագետի կողմից սեփական գործունեությունը նորացնելու, զարգացնելու համար կատարվող նորամուծությունների ինքնուրույն մասնագիտական գործունեության հետազոտություն: Հետազոտությունների այս տիպերը համեմատելու խնդիրը ոչ թե դրանք իրար հակադրելն է կամ հետազոտությունների առումով որևէ նոր, կտրուկ շրջադարձ գրանցելը, այլ այնպիսի մի մոտեցում ներկայացնելը, որը կարող է կիրառել ցանկացած մանկավարժ, գործող ուսուցիչ:

Հետազոտության մեկ այլ տարատեսակ է Դեպքի ուսումնասիրությունը: Այս մոդելը ևս ճկուն է, քանի որ լայն տարածում ունի նաև որպես ուսուցման մեթոդ և այդ առումով ավելի ընդունելի է դարձել մանկավարժների լայն շրջանակի կողմից:

¹ Մեթոդական ցուցումներ ԵՐԵՎԱՆ, ԵՊՀ ՀՐԱՏԱՐԱԿՉՈՒԹՅՈՒՆ, 2014

Այս դեպքում հետազոտության առարկան մի ամբողջական դեպք, իրադարձություն կամ պատահար է, ինչը կարող է իր մեջ կրթական համալիր խնդիրներ պարունակել՝ Օրինակ՝ կարող են ընդգծվել որոշակի տեղեկատվություն դպրոցի, դասարանի, դասավանդման ոճի, ուսուցման սուբյեկտների փոխհարաբերությունների վերաբերյալ, հիմնախնդիր կամ հանգամանք, արգելք կամ խոչընդոտ: Այս ամենը կարող է վերաբերել ինչպես ամբողջ դասարանի, այնպես էլ որոշակի խմբի, երեխայի, անգամ ծնողի կամ դպրոցի որևէ այլ աշխատակցի: Օրինակ՝ պատմության դասաժամին ուսուցիչը փորձում է դասավանդման այլընտրանքային մեթոդներ կիրառել՝ աշակերտներին առաջարկելով նոր աշխատանք, որի նպատակը նրանց ստեղծագործական մտածողությունը զարգացնելն է: Այս մոդելն ուսուցչին հնարավորություն է տալիս անձնավորել կոնկրետ հանգամանքները՝ կոնկրետ դեպքն ավելի հասկանալի դարձնելու նպատակով: Սկսել հետազոտությունը՝ ենթադրում է խնդրի լուծման նպատակով քայլեր ձեռնարկել կամ նոր գաղափարների և մոտեցումների քննարկում սկսել: Քննարկումները կամ խնդիրների վերլուծության ընթացքը կարող է լինել «բաց» կամ «փակ»: «Փակ» է այն դեպքում, երբ խնդիրներն ամբողջապես համարվում են լուծված, իսկ եթե «բաց» է, ապա խնդրի լուծման ուղիները բազմազան են, և հետազոտության ընթացքն էլ շարունակելի է: Սա նշանակում է, որ պետք է աշխատանքներն ավարտել՝ նկարագրելով առկա իրավիճակը, գուցե նաև ներկայացնել հետագա քայլերի հաջորդականությունը: Շատ կարևոր է հետազոտության արդյունքների պարբերաբար ներկայացումը խնդրով հետաքրքրված, շահագրգիռ լսարանին՝ Աշխատանքի, գործունեության, խնդրի լուծման ուղղությամբ ձեռնարկված միջոցառումները կամ գաղափարների փորձարկման վերջնական տվյալներն ու եզրահանգումները մշտապես պետք է լուսաբանվեն: Այսպիսով, ուսուցչի կողմից իր հետազոտական գործառնությունը իրագործելու համար լայն հնարավորություններ կան, ինչի հիմքը նրա ամենօրյա դասարանային և արտադասարանային աշխատանքն է՝

Հետազոտության մշակումն ու իրականացումը փուլային գործընթաց է, քայլերի հստակ հաջորդականությամբ՝

Հետազոտությունը ուսուցչին հնարավորություն է տալիս ավելի լավ հասկանալ և կողմնորոշվել նոր իրավիճակներում ու խնդիրներին ավելի արդյունավետ լուծումներ տալ: Մանկավարժական հետազոտությունների դիմելը պարտադիր է բոլոր այն մասնագետների համար, ովքեր ցանկանում են շարունակաբար, հետևողականորեն բարելավել, զարգացնել մասնագիտական որակները և բարձրացնել իրենց գործունեության արդյունավետությունը:

- Ախտորոշման փուլ, որի ընթացքում սահմանվում են լուծումներ պահանջող խնդիրները կամ իրադրությունը¹

- Նախապատրաստական փուլ, երբ առանձնացվում, մշակվում են այն գործողությունները, ռազմավարությունները, որոնք կարող են գործի դրվել և փոփոխել իրավիճակը:

- Գործունեության փուլ, որի ընթացքում կիրառվում է նորովի մշակված ռազմավարությունը և տվյալներ են հավաքագրվում:

- Գնահատման փուլ, որի ընթացքում ուսումնասիրվում և արժևորվում են արդյունքները, համակարգվում, վերլուծվում և եզրահանգումներ են արվում: Մշակված պլանի իրականացման ընթացքում կատարվում է տվյալների հավաքագրում:²

² ՄԱՆԿԱՎԱՐԺՈՒԹՅՈՒՆ ԵՎ ՀԱՄԱՐԱԿԱԿԱՆ ԳԻՏՈՒԹՅՈՒՆՆԵՐ, ԵՐԵՎԱՆ 2020

Ուսուցչի կողմից սեփական մասնագիտական գործունեության հետազոտությունը որպես ինքնազարգացման խթան

Մանկավարժի գործառույթները բազմազան են, սակայն դրանցից առանձնացնենք սեփական մասնագիտական գործունեության հետազոտությունը:

Մանկավարժական մասնագիտական գործունեության հետազոտության նպատակը ուսուցչի կողմից սեփական աշխատանքը քննելու, վերլուծելու միջոցով բարելավելը, զարգացնելը, արդյունավետությունը բարձրացնելն է և, ի վերջո, փոփոխելը: Այն կիրառվում է կոնկրետ իրավիճակում խնդիրների բացահայտման ու լուծման նպատակով:

Գործունեության հետազոտությունը երբեմն անվանում են լսարանային հետազոտություն, որը միտված է ուսուցչին օգնել բարելավելու իր ուսումնական գործընթացը:³ Ուսուցիչն իր մասնագիտական պարտականությունները կատարելիս մշտապես գտնվում է ստեղծագործական մթնոլորտում՝ Տիրապետելով փորձի, գիտելիքի, ինչպես նաև դրանք ձեռք բերելու միջոցներին, աշխատանքի հնարներին և մեթոդներին՝ ուսուցիչները տարբեր օբյեկտիվ և սուբյեկտիվ պատճառներով չեն ձևակերպում և ամրագրում ամենօրյա աշխատանքի ընթացքում իրենց կատարած բացահայտումներն ու «հայտնագործությունները»: Մանկավարժական բոլոր գործառույթները փոխկապակցված են և մշտապես ընդլայնվում են:

Մանկավարժի կողմից իր սեփական մասնագիտական գործունեությունը հետազոտելու մոտեցումները կարող են դառնալ գործնական իրողություն՝ լինելով յուրաքանչյուրի սեփականությունը: Տեղեկատվության շարունակական հավաքագրումը և դրա համակարգումը, քննադատական վերլուծությունը կարող են արդյունավետորեն իրականացվել ոչ միայն գիտնականների կողմից: Հետազոտությունը խթանում է ուսուցչի ազատությունը: Այն գործընթաց է, որը յուրաքանչյուր ուսուցչի հնարավորություն է տալիս փնտրել, ընտրել և ամրագրել ուսուցման արդյունավետությանը նպաստող ցանկացած գործողություն: Սա

³ Կրթություն, բարեփոխումներ, հիմնախնդիրներ, Վանաձոր 2010

ենթադրում է՝ խրախուսել ուսուցիչներին հետազոտություններ կատարելու այն դասարաններում և դպրոցներում, որտեղ դասավանդում է Երբ ուսուցիչն ինքն է կատարում հետազոտություններ, նա այդ կերպ հնարավորություն է ստանում կատարելագործելու իր մասնագիտական գործունեությունը:

Ուսուցչի կողմից իր սեփական գործունեության ուսումնասիրությունը կրթական խնդիրների լուծման մոդել է, որը հնարավորություն է տալիս հետազոտություններ կատարել կենդանի, գործնական միջավայրում: Մանկավարժական մասնագիտական գործունեության հետազոտությունը հիմնված է ուսուցչի ամենօրյա աշխատանքի և վերջինիս անձնական ու մասնագիտական նպատակների վրա: Դասարանում ուսուցչի կատարած աշխատանքների վերլուծության հիման վրա ուսուցման գործընթացը բարելավելու ձգտումը չափազանց կարևոր դեր է խաղում: Գործունեության հետազոտության արդյունքում շատ հաճախ հնարավոր է լինում պատասխանել կոնկրետ ուսուցմանը վերաբերող որոշակի առանձնահատուկ հարցի՝ Արդյունքում մեկ ուսուցչի մասնավոր փորձն ու հաջողությունները կարող են ուսանելի լինել նաև մյուս ուսուցիչների համար: Մենք գործ ունենք ուսուցչի աշխատանքն ուսումնասիրելու այնպիսի միջոցի հետ, որը թույլ է տալիս պարզել մասնագիտական խնդիրը լուծելու հաջողության հնարավորությունը և ավելի լավ հասկանալու հետևյալը.

- հետազոտություններ անցկացնելու մեթոդների արդյունավետությունը՝ սովյալ խնդրի առնչությամբ,

- կրթական ծրագրերի արժեքը,

- տեսության և դասարանում գործնական աշխատանքների միջև կապի ապահովումը,

- աշակերտների հաջողությունների գրանցման մեթոդները,

- ուսուցման տարբեր խնդիրներ լուծելու մեթոդական ձևերը:

Դիտարկենք ուսուցման գործընթացում սեփական աշխատանքն ուսումնասիրելու պարզագույն մի ընթացք.

1. տվյալների հավաքագրում, համակարգում և վերլուծություն
2. խնդրի և վարկածի սահմանում
3. կոնկրետ գործընթացի նկարագրություն
4. եզրակացություններ
5. արդյունքների ամբողջացում, ներկայացում:

Տվյալների հավաքագրումը մանկավարժական մասնագիտական գործունեության հետազոտության ամեն մի բաղադրիչին բնորոշ հատկանիշ է: Պատմության ուսուցչուհին տվյալների հավաքագրման համար կարող է օգտագործել տարբեր մեթոդներ ու տեխնոլոգիաներ՝

- հարցումներ - հարցաթերթեր, անձնական կարծիքներ, դատողություններ և համոզմունքներ, դիտողություններ և առաջարկներ,

- թղթապանակ կազմել և վարել - ուսումնական պլաններ, դասարանական գործունեության, իրադարձությունների նկարագրություններ, կրթական խնդրի շուրջ անձնական գաղտնիք չպարունակող տեղեկատվություն և այլն,

- ուսումնական նյութեր – ռեսուրսներ, ուսումնաօժանդակ գրականություն, ծրագրեր, նախագծեր,

- փաստաթղթերի հավաքածու – օրենքներ, կանոնակարգեր, կարգադրություններ, հետազոտության բովանդակությանը համապատասխան այլ փաստաթղթեր,

- ձայնագրություն - տեսագրություններ, ձայնագրություններ, լուսանկարներ, նկարներ, սլայդներ և այլն,

- հարցազրույցներ, քննարկումներ – պլանավորված ոչ պլանային, դեմ առ դեմ, բանավոր, հեռավար փոխներգործության արդյունքներ: Կարևոր է նշել այն, որ

մանկավարժական մասնագիտական գործունեության հետազոտության տարբեր փուլերի ընթացքում մանկավարժ-հետազոտողը, բացի իր հիմնական մասնագիտական դերերից՝ տվյալ դեպքում որպես հետազոտություն իրականացնողից, ստանձնում է նաև պլանավորող-նախագծողի, առաջնորդի, մասնակցի, ունկնդրող-դիտորդի, լրագրողի և այլ դերեր՝

Այսպիսով երբ ուսուցիչը որևէ աշխատանք է պլանավորում, մշակում կամ փորձում գործնականում այն կիրառել, նա, մտածելով անցյալում իրականացրած գործողությունների մասին, թե ինչ արդյունք է տվել կամ արդյունքում ինչ հետևանքներ են եղել, փորձում է կատարելագործել իր հետագա քայլերը՝

Այսպիսով, սեփական մասնագիտական գործընթացի կիրառումը և վերլուծությունը էական դեր է խաղում դասավանդող ուսուցչի աշխատանքում: Հաճախ ուսուցիչները մասնագիտական բնագործով զգում են, թե ինչը դասարանում կգործի, իսկ ինչը՝ ոչ: Պատմության ուսուցչի համար հետազոտական գործունեություն իրականացնելը մի գործընթաց է, որը հանդիսանում է խթան ինքնակատարելագործման ու մասնագիտական զարգացման համար:

Ինչպես ցանկացած մասնագիտական գործունեություն, ուսուցչի աշխատանքը ևս բովանդակային, կառուցվածքային և գործառութային մշտական վերլուծության կարիք ունի: Սեփական մասնագիտական գործընթացի վերլուծությունը էական դեր է խաղում դասավանդող ուսուցչի աշխատանքում: Հաճախ ուսուցիչները մասնագիտական բնագործով զգում են, թե ինչը դասարանում կգործի, իսկ ինչը՝ ոչ: Նրանք մշտապես ձգտում են լուծել դասարանում ծագող խնդիրները և շարունակական աշխատանք են տանում («բաց դեպք»): Ուսուցչի հետազոտական գործառութային իրագործվում է փաստարկված, մասնագիտորեն հիմնավորված վերջնարդյունքներ ներկայացնելու դեպքում՝ սահմանում, պլանավորում, իրականացում (կիրառում), վերլուծություն, համադրում և ամփոփում:

Ինչպես ցանկացած մասնագիտական գործունեություն, ուսուցչի աշխատանքը ևս բովանդակային, կառուցվածքային և գործառութային մշտական

վերլուծության կարիք ունի: Մեփական մասնագիտական գործընթացի վերլուծությունը էական դեր է խաղում դասավանդող ուսուցչի աշխատանքում: Հաճախ ուսուցիչները մասնագիտական բնագոյով զգում են, թե ինչը դասարանում կգործի, իսկ ինչը՝ ոչ: Նրանք մշտապես ձգտում են լուծել դասարանում ծագող խնդիրները և շարունակական աշխատանք են տանում («բաց դեպք»): Ուսուցչի հետազոտական գործառույթը իրագործվում է փաստարկված, մասնագիտորեն հիմնավորված վերջնարդյունքներ ներկայացնելու դեպքում՝ սահմանում, պլանավորում, իրականացում (կիրառում), վերլուծություն, համադրում և ամփոփում:

Համագործակցային հետազոտություն

Հետազոտությունները կարող են ունենալ համագործակցային բնույթ, քանի որ այս դեպքում ենթադրվում է խմբային աշխատանք և իրականացվում է ուսուցիչների համագործակցային թիմի կողմից: Հետազոտությունը համագործակցային թիմով կարելի է իրականացնել ուսումնական հաստատությունում: Համագործակցային հետազոտությունը գործընթաց է, որին բնորոշ են հետևյալ առանձնահատկությունները՝

- այն ենթադրում է ուսուցիչների խմբի (նաև այլ շահագրգիռ մարդկանց) մասնակցություն
- այն անաչառ է (հավասարապես գնահատվում է բոլորի կողմից)
- այն լիբերալ է (ազատություն է ապահովում մասնակից սուբյեկտների համար, ձեռքազատում է կաշկանդող պայմաններից):

Համագործակցային մանկավարժական մասնագիտական գործունեության հետազոտությունը ձևավորում է դրական աշխատանքային փոխհարաբերություններ դպրոցի ղեկավարության, ուսուցիչների, ծնողների և սովորողների միջև: Նման հետազոտությունը սեփական գործունեությանը անդրադարձ կատարելու կարողությունների, հետազոտման մեթոդների իմացության և արձագանքող ու նպատակասլաց մասնագիտական գործունեության քայլերի ընկալման հետ մեկտեղ պահանջում է խմբային դինամիկ աշխատանքի կարողությունները՝ Ուսուցիչները կարող են զբաղվել համագործակցային մանկավարժական մասնագիտական գործունեության հետազոտությամբ՝ կրթական հարցերի մասին խորհելու և տեղեկանալու համար: Այս պարագայում ուսուցիչներն աշխատում են միասին, միավորում են գաղափարներն ու ջանքերը՝ ցանկալի նպատակների հասնելու համար, որոնք կարևոր են հատկապես աշակերտների առաջադիմության համար: Մասնագետները միավորվում և համագործակցում են կարևոր միասնական նպատակի շուրջ: Միավորման կարելի է հասնել այն դեպքում, երբ մարդկանց փոխհարաբերությունները հիմնված են

փոխադարձ հարգանքի, փոխօգնության և փոխըմբռնման վրա, արժևորելով այլ մարդկանց գաղափարների ու զգացմունքների կարևորությունը համատեղ աշխատանքի ընթացքում: Հետազոտության խմբերում կարող են ընդգրկվել ուսուցիչներ, դպրոցի ղեկավար կազմի ներկայացուցիչներ, սովորողներ, ծնողներ և այլ շահագրգիռ անձիք: Հետևաբար մասնակիցների միջև կլինեն տարբերություններ, որոնք անխուսափելի են մասնագիտական պատրաստության, շարժառիթների, անձնային առանձնահատկությունների տեսանկյունից, ինչի արդյունքում, մասնակիցներից ոմանք ավելի պասիվ են լինում: Ուստի մասնագիտական գործունեության հետազոտությունը պլանավորելիս և իրագործելիս անհրաժեշտ է խմբի անդամներից յուրաքանչյուրի համար ապահովել հավասար իրավունքներ, հաշվի առնել յուրաքանչյուրի գաղափարներն ու կարողությունները: Նման հետազոտությունների իրականացման համար անհրաժեշտ և կարևոր են ամենաբազմազան պարբերաբար և հաճախակի կազմակերպվող հանդիպումները, որոնք ենթադրում են`

- մանրամասն բացատրել այն առաջադրանքները, որոնց վրա աշխատելու են խմբի անդամները հանդիպման ժամանակ և դրանից հետո,
- մտքեր փոխանակել աշխատանքի համար անհրաժեշտ տեղեկատվության, կոնկրետ խնդրի և առաջադրանքի վերաբերյալ,
- կազմակերպական հայտարարություններ անել խմբի աշխատանքի վերաբերյալ,
- ընթացիկ հայտարարություններ անել` օգնելով խմբի անդամներին` կշռադատելու և իմաստավորելու քննարկման ընթացքը,
- հարցումներ անցկացնել` պարզելու համար յուրաքանչյուր անդամի կարծիքն ու վերաբերմունքը քննարկման կոնկրետ հարցի վերաբերյալ,
- կիրառել բանավեճեր ու մտազրոհներ և այլ փոխներգործուն մեթոդներ քաջալերել նախաձեռնողականությունը:

Հաջողության հասնելու բացառիկ կարևոր հանգամանք է խմբային աշխատանքը մանրամասն վերլուծելը: Հանդիպումներից յուրաքանչյուրի ավարտին կամ նաև ընթացքում խմբի անդամները քննարկում, վերլուծում են խմբի աշխատանքն ու մասնակիցների համագործակցությունն ու փոխներգործությունը՝ բացառապես հետագա աշխատանքը բարելավելու նպատակով: Եթե խումբը, համաձայնության գալով, որևէ որոշում է կայացրել, ապա անպայման պետք է կատարի այդ որոշումը, հակառակ դեպքում այն հաջորդ հանդիպման համար քննարկման առարկա պետք է դառնա: Այսպիսով, համագործակցային մասնագիտական գործունեության հետազոտություն իրականացնելու համար խմբի բոլոր անդամները պետք է մշտապես լինեն հաղորդակցության մեջ, հասկանան հետազոտության գլխավոր և ստեղծագործաբար մոտենան կոնֆլիկտներին, ընդունեն և գնահատեն խմբի անդամների միջև եղած տարբերություններն ու առանձնահատկությունները: Հետազոտությունը օգնում է մանկավարժական գործընթացի մասնակիցներին մտածել և տեղեկություններ հավաքել իրենց պրակտիկ գործունեության վերաբերյալ և այլընտրանքային ճանապարհներ փնտրել՝ բարելավելու համար իրենց իսկ աշխատանքը: Հետազոտող ուսուցիչները հետևում են նրան, թե ինչ են անում իրենք, կամ պետք է անեն, ինչ են մտածում և զգում՝ փնտրելով զանազան ստեղծագործական միջոցներ՝ իրենց գործունեությունը բարելավելու համար: Գործունեության հետազոտությունը ենթադրում է ուսուցման գործընթացի նորացում, փոփոխություն: Թե՛ համագործակցային թիմը, թե՛ անհատապես աշխատող ուսուցիչները պետք է մտածեն այն մասին, թե ինչպիսին պետք է լինի դպրոցը, որն ի գործու է սպասարկելու աշակերտներից յուրաքանչյուրին և ամեն մեկին՝ ըստ նրանց առանձնահատկությունների և անհատականության: Ընդունելով սեփական մասնագիտական գործունեության հետազոտության գաղափարը՝ հնարավոր կլինի ևս մեկ գործիքի տիրապետել, որը կօժանդակի դպրոցի շարունակական բարելավմանը: Սա միջոց է՝ ուսումնասիրելու դպրոցում տիրող իրական վիճակը, պրակտիկ գործունեության որակը և արդյունքները բարելավելու ուղիները: Այդ կերպ ուսուցիչը մասնագիտական աճ ունենալու, կատարելագործվելու հնարավորություն է ստանում, երբ սեփական մասնագիտական գործունեությունը հետազոտելով գնահատում և արժևորում է

ուսուցման կոնկրետ գործընթացը, պատկերացնում է, թե ինչպես հնարավոր կլինի հասնել ցանկալի կրթական նպատակների: Իրականում սա պարբերական և շարունակական գործընթաց է, որն ուսուցիչներին հնարավորություն է տալիս ստուգելու իրենց տեսական գիտելիքները գործնականում, ինչպես նաև համոզվելու, որ իրենց աշխատանքը շարունակական բարելավման կարիք ունի:⁴

⁴ ՄԱՆԿԱՎԱՐԺՈՒԹՅՈՒՆ ԵՎ ՀԱՄԱՐԱԿԱԿԱՆ ԳԻՏՈՒԹՅՈՒՆՆԵՐ, ԵՐԵՎԱՆ 2020

Եզրակացություն

Ամփոփելով պետք է նշել, որ մանկավարժական մասնագիտական հետազոտությունների դիմելը պարտադիր է բոլոր այն մասնագետների համար, ովքեր ցանկանում են բարելավել, զարգացնել իրենց մասնագիտական որակները և բարձրացնել իրենց գործունեության արդյունավետությունը: Հետազոտության արդյունքները ցանկալի է ներկայացնել գործընկերներ ուսուցիչներին, ինչը աշխատանքին կտա լայն մասնագիտական և հասարակական ուղղվածություն՝ շատերին հնարավորություն ընձեռելով օգտվել արդեն իսկ ձեռք բերված փորձից ու գիտելիքներից: Այս նպատակով արդյունավետ է կազմակերպել սեմինար-քնարկումներ, կլոր սեղաններ, զեկույցներ, ներկայացումներ, դասընթացի բաց դիտումներ և այլն՝ Երբ ուսուցիչներն ակտիվորեն զբաղվում են մանկավարժական մասնագիտական գործունեության հետազոտությամբ, ապա ավելի ու ավելի հնարավոր է դառնում դպրոցը ժամանակի ոգուն համապատասխանեցնելով Դպրոցները բարեփոխումների ընթացիկ շարժման մեջ չեն ընդգրկվի այնքան ժամանակ, քանի դեռ կրթության բոլոր սուբյեկտները չեն համագործակցում ուսուցման գործընթացի զարգացման հարցում, որտեղ սովորել՝ սովորելու համար զաղափարը, ստեղծագործ լինելու ձգտումը և համագործակցելով աշխատելը իրական գործընթացի չեն վերածվում:

Այսպիսով, հետազոտական գործունեությունը ժամանակակից ուսուցչի մանկավարժական գործունեության անբաժանելի մասն է, որն ապահովում է նրա բոլոր այլ տեսակների կազմակերպումը՝ ազդելով ուսուցչի մասնագիտական կարողությունների զարգացման վրա և կատարելով այս զարգացման միջոցի գործառույթը. գործողություններ, որոնք ուղղված են ուսուցչի անձի ձևավորմանն ու հետազոտական հմտությունների և կարողությունների զարգացմանը: Նման հետազոտությունների իրականացման պարբերականությունը կարող է օժանդակել բարեփոխումների համատեքստում ուսուցման գործընթաց ներդրվող նորարարությունների գնահատմանն ու արժևորմանը:

Օգտագործված գրականության ցանկ

1. Կրթություն, բարեփոխումներ, հիմնախնդիրներ, Վանաձոր 2010
2. ՄԱՆԿԱՎԱՐԺՈՒԹՅՈՒՆ ԵՎ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ, ԵՐԵՎԱՆ 2020